

Ruthy "Lady Ruth" Vrieswijk-Bergen

35 aña den farandula!!!



ORANJESTAD - Como un hoben cu a caba su MAVO 4, faltando solamente un par di dia prome cu el a cumpli su 16 aña di edad, sin sa, cuanto dushi aventura nan tabata spere.

Cuminsa traha na Radio Kelkboom como operadora y tambe den e dept. di noticia, a drenta e arena, conoci como, farandula, ora cu pa di prome biaha, cu su 16 aña di edad, a para como maestra di

ceremonia hunto cu e talentoso y incansable caballero Ruben Garcia den Wilhelmina stadion, cu awor tin un otro nomber. A sigui mil y un cos, actividadnan riba tereno social cultural y artistico den su bida yena cu hopi alegria, pero tambe algun lesnan serio cu a pone crece como hende, cu amor pa su mes, pa su famia, pa su pueblo y pa Dios. Canta den festivalnan di ranchera of festivalnan popular, e.o. cu e banda musical di Amado Rosina, tempo cu Ruthy a traha na Aruba Beach Club y Casa del Mar den e dept. di actividad, y organiza tur sorto di actividadnan pa e turistanan. Gusta improvisa e letranan den e cancionnan cu e tabata canta mayoria biaha, cantando di su amor grandi pa su esposo Johan, e tata di su yiunan. Ruthy y Johan ta casa pa 30 aña, cumpli dec. 21 di aña 2007 ultimo. Tin dos nieto, cu un di tres na caminda. A para como jurado den varios festivalnan y eleccionnan di reina, a sigui fungi como maestra di ceremonia pa hopi actividad y shownan di Pascu. Y....mientrastanto e amor intimo di e pen y su mannan, cu tawata sigui skirbi ariba inspiracion y for di su curazon, prome versionan simpel cu ta rima, y djei acepta e retonan di experimenta cu otro formanan di skirbi y expresa su mes semper den un forma liber y transparente, cu kizas a spanta algun hende, kendenan tabata pasando den nan mesun experencianan di bida, y cu a gusta lesa locual e Sra. aki, di "Bon dia yen di alegria" tabata expresa. Cu su programa radial Dushi Awasero Musical pa mas di 20, 25 aña? No ta corda awor exactamente cuanto aña e tin e programa aki, pero si pa bastante aña caba.

Hopi ta esnan cu a duna Ruthy palabranan di apoyo y encurashamento, cu a inspire tambe pa a sigui skirbi y sigui comparti cu e curazonnan, cu tabata habri pa mas.

A representa Aruba den varios



actividadnan riba tereno literario y a cuminsa produci cd cu poema nan, tur graba den Watapana studio di Radio Kelkboom. Por cierto, e prome dama arubiano Poeta cu a hasi esaki. En total e tin 6 diferente CD cu su poema nan di propio inspiracion.

Ruthy lo para keto riba diasabra dia 8 di Maart di 2008, pa reflexiona ariba su talentonan cu e la ricibi for di Tata Dios, y alaves lo ta presente na Samsom Bookstore Antraco Surprise pa comparti di su poema nan encuanto e dia internacional aki, dedica na nos hende muhe.

Di curazon, Lady Ruth a acepta e invitacion cordial aki di e team dinamico di Antraco Group.

Un fecha bunita, cu dobel celebracion pa Sra. Vrieswijk-Bergen, y cu hopi bunita recuerdonan di asina hopi aña. Ruthy "Lady Ruth" Vrieswijk-Bergen ta gradici famia Croes, gerente y staf y personal di Antraco Group, y e simpatica Fiorella, pa e apoyo y oportunidad brinda

pa Ruthy hasi locual e ta gusta hasi, y esei ta, recita, declama y comparti poema nan cu por sigui inspira nos tur. Especialmente e damanan, bin topa cu nos diasabra dia 8 di Maart trai merdia, nos lo tey for di 3'or di atardi y nos ta dispuesto di contesta cualkier pregunta cu por tin, relaciona cu su 35 añanan den Farandula. Lo tin CD, e.o. "Balor di hende muhe" y CD pa dia di "Mama" na benta y tambe su buki "Mi bida den un dia....Den silencio". Lo ta nice, si nos amigonan-colega den prensa, honra nos cu nan bishita tambe. Acepta esaki como mi invitacion tambe!

Di awor aki caba, pabien! Na tur hende muher! Y pabien tambe na Ruthy "Lady Ruth" Vrieswijk-Bergen cu su 35 añanan den farandula na Aruba!!

Ruthy a laga sa, cu su cabeynan cu ta birando shinishi poco-poco no ta strobe cu su curazon hoben di sigui brinda riba bida y sigui comparti di su alegria y su talentonan.!!



5 aña pasa a nace un princes su nomber ta Johnisha Media e ta haya felicitacion di parti di Tata Johnny, su Mama Marisca su Big Sis Johmara, tambe di parti Mamay, Papay y su Wela Aurita su Bisa Wela na Hulanda, su Pechi Sharon Momo Eduardo y muy enespecial tambe di parti Tante Dina y sin laga afo su Amigueta y Amiguitonan di Cacique Atarima Kleuterschool y demas famia Medina y Croes